

程氏墨苑

墨苑卷之五

人官

墨史氏曰天用地地用天天地用人人用天
地至哉言乎語用而及於人用天地而後兩
間之用全也自有書契以來而墨為政大小
之用靡非人者是故官止而神王機動而天
随用雖以人而冥變鼓舞之利有人力無所
與者庶幾見天則為中華衣冠之區禮樂明

侑巍乎煥然光照古今即雕題窮髮之鄉雕
獎塑範無不工者舉奇巧而歸朴素今昔遠
近之製度居然可考矣作人官

鴻濛氏程大約著

和光氏周之訓書

程幼博墨苑目錄

第五卷

人官上

寥天一銘

脩禊圖

記一

注經丹銘

文鐸

百子圖

歌一

備座之器

銘一

天祿青藜圖二款

詩二

金人圖

贊二 銘一

九子墨

歌一

蘭臺

銘一 詩一

玄香異氣

詩一

陳玄

傳一

夢人遺墨

詩一

畫眉黛

歌一

石室觀書

詩三

畫掌股

詩一

劉佑市墨

詩一

君子之車

贊一

樹汁為墨

贊二

墨莊

贊一


結綺

銘一

織錦圖

第五卷人官上目錄終

寥天一



相非相色非色玄之又玄不可
思議功德

凝菴道人唐鶴徵銘
南鄆放民劉然書

修禊圖





蘭亭圖記

墨家之祖王右軍鬼然今古冠焉右軍墨蹟傳世者不下百餘種惟蘭亭為家苛求者以天朗氣清而沒全文以遊觀妨政而掩全節淺之乎品藝之乖論世之遺也夫惟秋景而後春記之蕭氏何知焉始右軍去護軍而為會稽其歲月雖不可考乃其開倉賑飢上疏爭吳會賦役與執政書陳郡中利害豈習清談而廢政事

者治暇而務遊觀蘭亭何病我至其兩諫殷
浩北伐而策其必敗告會稽王領根立勢業而
後可以有謀跡晉之先後事右軍預燭炤之非
空談無事實者時不能用至于誓墓自絕非
右軍之志矣昔人謂右軍為藝所掩論其人迴
出東晉上竟其經略不在茂和安石之下知言哉
乃今去永和千百世讀其文而思見其人即其
事而想像其地按其圖而親炙其膝上臚可紀

載矣李伯時趙千里故鉅筆宣和周藩皆帝
王家重賞鑒者據圖則亭故據水而立步欄
四廠一蒼頭炊鼎溫酪奴二童子直柱下展卷
橫几坐而觀鶩羣者意其為右軍主馬崇
山岵領茂林脩竹左右映帶而曲水環之諸
水從洞壑噴出飛沫而來三四童子執醕壺
擎盤盂雍、秩、各事其事諸客次第班
坐水濱鋪方席展豹皮藉坐而手相招者

郡功曹魏滂又得一右軍也閣筆端研一執
卷一開卷若賦就而欲書者散騎常侍郗曇
與滎陽桓偉也曲右肱而伸左肱若導引者
前餘抗令謝藤也曳白而默覽者侍郎謝瑰
也左右袒而欲授筆於人左右袒而把卷欲受
筆者王凝之與潁川庾友也袒而相向坐以盃
招者王渙之行參軍事丘旄也膝而盥立而拱
箕倨而接童子盃者前餘抗令孫統行參軍

楊模潁川庾諱也背而坐迴盻而語趺而坐展
卷而吟者王獻之參軍孔盛鎬密及王玄之
也伸手而語閣筆受簡而恣吟欲就者王彬
之郡五官謝繹王徽之也得觴而却飲畢而
更呼觴流及前夷猶而欲受者府功曹勞夷
行參軍徐豐之前長水令華者也開卷而誦
交手而聽者徐州平西曹華王諱之也諱之之
右則鎮國大將軍卞迪東卷吟未就司徒西屬

謝萬吟就而反顧之次則上虞令華茂山陰虞
谷傳盃執筆欲偶語任城呂本彭城曹誼張叻
據地作談天態中軍叅軍孫嗣拍手自怡陳郡
袁嶠之且觴且吟行叅軍王豐之手卷不能
釋倏有石梁亘清流中四五童子執事盃盤如
向者已王肅之撫髭而坐叅軍司馬虞說執簡
而思府主簿任凝束手而了不經意左司馬孫
綽竣賦而尚賈餘勇諸賢四十餘人皆天下選

文物雍容極一時之盛賦詩以四五言命篇有成二篇者有成一篇者有不成篇而以酒篇者三分而鼎立之于時為高會右軍即遊觀於泉石而實以虛談廢務浮文妨要鑒當時之弊故以一死生齊彭殤為妄誕于文為眇論書用蠶繭紙鼠鬚筆道媚勁健超代特出字有重者皆構別體變轉悉異遂無雷同其時乃有神助他日更書數十本終

無及者于書為絕藝右軍且自珍重之畱付
子孫至七世孫永欣禪師與其衣鉢並付弟
子辯才韞積甚謹唐皇挾萬乘之尊不能
致特勅御史蕭翼計得之于世為曠事備
是數者皆足雄執林隻千古蘭亭之為墨寶
信不虛耳乃其聚訟定武而下迄今紛々未
有定論余故特鐫之屬墨苑中得其門者
山陰堂皇不難于升且入矣

廣平程大約撰


古瀛劉然書


而質可磨也而丹不可奪而持
此以主朝而無愧於而統
新安汪良楨士翼父銘

注經丹



百子圖





百子圖歌

閭闔萬戶何慶門圖中風物宛堪論群兒嬉
戲垂滿百化日舒長春漏溫貯倩風神剪秋
水激昂意氣掀朝瞰小者跳地作虎子大者
行空如鵬騫風鳶高放務寮廊竹馬常騎習
結屯禮容或能設俎豆闢芳艸得拾荃蓀藉
草搏沙作羹飯觀魚激水翻甕盆辨難時拍
東隅日延佇詎啖肉隣豚傀儡鬧塲劉項戲

雍容揖酒唐虞存先導攀蒼作羽蓋高標曳
楮列旌旛亦自彬彬成禮樂似聞啞啞多咲
言成行在右倏在左群兒自小還自尊已歡
棹里金蘭合詎數謝庭玉樹繁鳳麟有美歌
毛趾水木居然窮本源借問桐鄉麓不億副
墨之子洛誦孫

古歛程大約



何聖止器



欽器銘


在昔唐虞執中立極三王代興守焉靡忒周
公思無制器示翌惟虛則欽惟滿則覆正也
惟中究見天則繕性理人匪茲焉式尼父是
取交神契默聖遠道微虛器徒飾三改杜思
五觚曹憶義則罔尋達人興惻胡以儆心象
諸即墨顧終罔象玄珠可得是曰真觀敢告
一德

汪良楨士翼父

天祿青藜



青 黎 閣



賦得天祿青藜

我：天祿閣沉：夜未央燦：映圖史耿：
青藜光束髮授書久糟粕陳縹緗啓牖藉老
人閑譚超尋常曲學羞比阿諧謔嗟荒唐葆
精發餘緒戢志時翱翔豈必困百家聊以康
四方千古寸心在言意兩相忘


朱之蕃書

天祿青藜

美清夜。殿赤霄。駕蜺乘風遊。歛飄望天祿止。
沈寥青藜曳杖行。招搖口為吹火為燒。天老
脩然。意氣饒。搜秘笈。揜鱗幪。卯金之子坐相
邀。墨斯絢。聿斯標。指画千古何遥遥。鑄成象
效玄超。東壁圖書應斗杓。

程大約

金 尺 圖



金人圖

三緘其口而銘於後括囊无咎興
戎滋垢孰與嘿守嘻金人其陳玄
之密友與

于若瀛

金人圖

忘乎戎惡乎窮惡寧好而逮汝
躬汝曰勿羞而不鼻而口其以金
注其以黑守靡乎垢之乎憎乎
受之乎以銘汝後毋使陷父而
富制乎汝肘樂和聲

宣後圖銘


於爾宣後貳鍼其口
勒銘于背括橐
是守於爾后後大張
其吻勒銘于腴
馳驅靡謹咨予小子
既德靡逮猥假
章服崇服以墜筮
覈民生言語為政
樞機迅發應穰同
敷始放工里繼踵
賢翼堅白鳴恣雌
黃寅寅

明二炁字竣德魏二晉我九列不遂豕
遷顧豕穉良陳八孰序咸輔騰說外
肆中距噬彼耽體曾是從遠靖共靡
常六蹶而歸峙絃亮直安從柔辟進
其無成退其各譖燄二春滅炎二盾
何既嶮經羅遂尋斧柯呼且當吸出
剗爽人紫齒靡能刺舌何及爰負溪

創置之墨史輕口興戎最裁擬議輕
手何爲矧及亥字慎言尋言宜石各
指豕作銘詩敢告同享

獸醒客程大約顯





九子歌

商之孫子麗不億玄德日躋尚白色疇何絳人號陳
玄黝然知白恒守黑鬱々徂徠有老松由來易水多
良工更取魚胞熟萬杵寧辜犀角盤雙龍本性長生
生九子黛螺烏玉應無比夢寐曾聞十八公禮樂會
對三千士陶泓毛穎結綢繆會稽褚生歡相授用世
毋庸名處晦人人封作松滋侯


程洵

蘭

臺

蘭臺銘

高臺叢葉北斗傍上有猗蘭王
者香紫莖綠萼清且芳誰其居
之秘書郎秘書郎繡紉帙然青
藜來太乙
獨醒客程大約



蘭臺

高臺矗峙皇邑上有五雲護紅日下有香
草日以蘭為王者香香什韻何哉蒹葭雜靡
蕪鋤而去之將焉須玄穹墨色墨不渝願上
主君三千歲受茲不福收中吾

程洵巨源父

劉然書

玄香異氣



有畜異氣

黜其色芬其香主德孔明君子之
光芬其香黜其色光我簡策實
維主位其香芬其色黜其德無為
君子之守其色黜其香芬其位升

閔敬託斯文

趙士禎



陳玄

陳玄傳

陳玄者登州人也其先有居石州者磨磷澠
緇或病其無特操也故不甚顯名既而徙居
松陽以功封松滋侯未幾有罪失侯國除玄
出祝融之後其庶孽俱煨燼無遺惟玄得其
輕清上浮之氣能世其傳聚族而徙鉅鹿之
膠州採珎集芳以自禱于上帝久而不厭磨
礱而出之其光瑩然因代漆園吏為政又與

楊氏分塗而治道術其言並盈天下楊氏為
我天下無所利焉玄特兼愛自王公大人以
至鄉塾市肆工匠鑿藥罔不沾其馥而濡其
澤者方戰國時天下競於力政玄雖不得志
然羽檄交馳未嘗不有賴焉猶得仕為客卿
漢武尊儒右文玄始大顯嘗曰我誠不惜摩
頂放踵以利天下即九流百家言布諸簡冊
汗牛充棟俾瞻明洛誦守之無斁猶吾副也

若夫操觚染翰之士臨池而揮灑出無入有
變化莫測其孰與我顧吾惡夫太白若辱皦
皦者易污常守黑為谷不欲以其功顯爾記
云國有道其言足以興國無道其默足以容
故雖當坑儒熱書之世吾未嘗不藏器以待
時卒不至於廢絕而不嗣也又曰人知我之
茹垢納污而不求白也不知我之潔於自愛
纖塵微賸入之則黯慘失色矣奈何法家者

流剝其面則借我為名貪者黷于貨則借我
為名吾曷知其解也又曰千載而下尚我者
楊子雲善成我者韋仲將李廷珪而已故曰
知我者稀則我貴然天不變我之道亦不變
我其將與天無極哉玄終以耆宿見重于世
其後子孫往來流落人間或顯或隱迺今巨
子則在歟之程鄉云

太史公曰玄生周於濟用晦於藏用然亦有

時乎引繩而彈之俾歌傾卷曲者無以自容
未可以執一概之也孟軻氏廼以能言距之
者為聖人之徒何歟論者終躋之與孔子並
豈以聖人之書不得之不著

晉陵唐鶴徵撰

廣平程士莘書




夢人
遺墨

夢人遺墨

昔人夢得筆之子復得墨
魑魅何處歲山川當失色

同安許獬



古有世

始興之石標而為墨用以鐫壁
不標以色秉心堅貞得無化石
墨耶 石耶于德則一

翁光



画眉黛

廣中始興邑溪中產石墨婦女取以畫眉光
澤逾甚作画眉黛

磊々雲根齒々溪涓含緇擁黛可以画眉女
紅鍼縷采將何々奇觚父字丈夫其事毛髮
之增耗不如指掌之職志

程涓

石室觀書



石室觀書

匪墨何書金匱緘之以屬祕府
匪書何觀玄玉鐫之徵信今古
姚履素



石室觀書

河洛事已遠
圯橋跡亦虛
誰人有玄契
能解石中書

同安許獬



石室觀書

西京雜記詔令尚書賜雄筆墨觀書石
室故以苑

何者藏石為室何者觀緗縹帙何者知
冠天術何者賜金玉九螺銀不律

程寰仲輔父撰



畫掌股

畫掌股

昔者蘇秦張儀二人同志傭力寫書行遇聖人之文
無題記則以墨畫于掌內及股間夫掌股之上汗湯
難書非精品不能任也若儀秦者可謂良于墨矣因
作畫掌股

訓斯詒伸斯股炯可覩彿斯彷彿斯指斯掌察靡爽何以
畫之汗以湯精煉大還是黑丹三寸之舌調無端子
墨子功當太官

二酉生程洵




斷同方墨

劉佑市墨

後漢劉佑佐郡為主簿嘗
為郡將小子買墨尋授之
經成學焉因詣而入墨

省經在笥者墨在篋散子母
錢博公卿業二酉程洵

君子之車



言之文行之遠吾將以汝為與
乃質不足而文有餘其無為虛
車歟

義興吳亮題

樹汁為墨

任末年十四時學無常
師負笈不遠險阻每言
人而不學則何以成或
依木之下編茅為庵削
荆為筆剋樹汁為墨夜
則映星望月暗則縛麻
蒿以自照觀書有合意
者題其衣裳以記其事



樹汁為墨

任公高品彈力典籍方探宇宙敢忘朝
夕莫購松煙聊資木液庶幾漆書可踵
芳迹

京口茅漆





墨莊



墨莊


二螺四丸自古重錫豈期勞人砌門壘
壁雲護儲胥雨凝陶埴日居月諸坐而
論易

秀水朱國祚




結綺

問紅羅紫
組玄纂素
彼散花之
天女應道
巡而却步



織圖君起還止

錦從字至字



程幼博墨苑目錄

第六卷

人官下

世掌絲綸

頌一

筆花生夢

賦一
跋一

何休學海

詩一

堯年舜日

函三為一

掌珠

鷄彝

鳥彝

竹林七賢

歌一

落日放船好

詩八

墨池

詩二

浮金輕玉

五色珎

飲中八僊

詞一

瑞葵並萼

贊一

玉堂柱石

歌一

文彩雙鴛鴦

詩一

太紫重玄銘

百老圖

引一
賦一

玉帟符

贊一

雲臺

詩一

程鄉松滋侯

詩一

支機石

詩二

桐鄉戲封


詩一

第六卷八官下目錄終



卷之三
三
三

齊孝繡編



世掌絲綸頌 有序

蓋聞源清流瀦水產隋侯之珠
巒秀巖深山孕卞和之玉
天不閔靈聿彰照乘地不愛寶
允售連城惟茲內樞之任
帝重其官故爾西掖之除
世榮其秩職代王言授簡
絲綸之閣詞宣國道揮毫
龍鳳之池奚翅典作史書
叅裁時政漢高馬遷之才
尊寵任職魏嘉劉楨之學
清切拜官袂情標邁王令
擅風流於晉

朝詩賦清新謝客流聲名於齊室盛唐則令
狐之藻而有宋則司馬之忠純並陟清班兼
居要地事隆前代光映後賢固文獻之所共
徵蘭冊之所並載者也要以奕世令模隔坐
盛典不多見於往昔庶可必於方今恭惟
穀城大宗伯子相公氣識淹通才華豐贍譽
宣庠序望重台衡經綸黼黻煥乎潤色
皇猷瑚璉珪璋展也鋪陳

宗器勳冠垂仲振羽儀於祕省中年曳履司
喉舌於南宮項雖歸卧林泉行將

召登鼎鉞令公子才高七步學富五車鍾鼓
詞垣笙簧苑門第清華豈直王珉之于王
治文章典雅寧殊賈至之於賈曾射榮擬都
林之一枝通籍期和車之獨坐濟美可必世
家何慚大約人非文舉幸登元禮之門名謝
仲宣喜倒中郎之屐製作滿鱗細曾獲瓊瑤

之報衷懷呈華札益羞瓦礫之投數用躊躇
冀申頌祝爰命良史特繪斯圖兼綴之以蕪
詞且載之於墨苑云頌曰

璧門天迥綸閣霞連朝推望士世豔清銜纂
述
帝紀出納

王言

紫宸幽邃

丹禁森嚴鱗躍龍池羽儀鷄


樹地切雲霄司存雨露既典要樞兼參庶務
旁求異才特簡雅度休々宗伯鄒魯名儒道
遵姬孔文法典謨形庭對榮萬言以敷
宸其勝會領中秘書入侍

經筵出收雋士


帝嘉忠謹國富耕梓管轄之司巍然高峙典
禮之任始終是以緬懷東山得請來歸煙霞
藹々襲我初衣望隆朝虛位黃扉異野公早

出慰安氓黎公子盛年宏才博學精金在鎔
良璧在璞我：丹穴載產驚驚繼彼超宗高
翮寒廊雲仍濟美輔我
皇家炳焉蔚焉振藻揚葩小子有心燃取木
華進之
東觀待草制麻

萬曆甲辰七夕程大約著



筆花
生夢



筆花生夢賦有序

昔江淹夢人貽筆一枚臺端生五色花光彩
可愛由是文思日進擅名當時余幼承父命
習計然之策浮游江湖不逢同學中年適有
所激奮臨成均始親經史領畧大義而已舊
宦一載歸羅家難久困保宮情思無聊間以
篇籍自娛虛涉吟詠思致蹇澁未敢示人一
日偶涉夢境見架上管成曄然生花喜而美



之醒覺聰明稍益質之文通疇昔之夢為不
與焉吁嗟乎事亦奇矣由是漸窺著作之
林宗弟巨源暨一二交人時時見過相與彈
射遂使奉教於大雅君子得宣幽憤之懷傳
播區宇沉寃幸釋雖實天之所啓抑亦精神
之所感召歟乃茲纂集墨苑追憶其事屬良
史固而載之併系之以賦云

覽載藉于曩昔異江生之筆花綴吳律以吐

華耽趙毫而揚葩攘采色于錦繡奪鮮景于
雲霞文犀之管既不足貴翠羽之歸抑何足
夸爾乃出入六經周旋百代貫幽冥於明神
綜人倫於曖昧契周王于美里慰史遷於軒
桎負備規矩包辯天地實賴以闡千聖之道
術豈直以紀五車之文字

萬曆甲辰浴佛日玄居士程大約紀事



筆花生夢賦跋

古者吉月獻夢于王蓋重典也即爰立大事以夢寐得之知先其神乎乃若玉人無夢而莊生之蝶以物孔子之姬以人皆夢真也叔季德衰而人不能夢已不及獻夢獲者証夢私者覲于夢乎何有不佞披髮時從先大夫于辰陽獲交宗兄幼博先生迄今四十餘年每見幼博伸筆而為詩善文急不索韻緩不

加點稿旋就而旋棄之不多存也繼以家難
困園中不佞歲時注省之見案頭古史山積
幾于頴川氏所受者幼博間謂余疇昔之夜
夢筆生花豈亦摠持之祥乎然幼博自是日
增文興積稿纓二然受人潘伯和往視幼博
強集而甘剗剗不佞細讀之較曩者大相迥
異矣摠持之花不為惠連之草乎先生尋自
賦其事屬墨者苑之先生以夢而得覺不惠

以覺而驗夢筆墨交花飛雲霧而徹斗斗至
以為先生之茂墨德一動天文足乎乃海內
士大夫率多先生苑名文鉅作遠近轉至成
百家不朽言人情賢于夢卜詎不信夫敬跋
之以驗觀者

宗弟涓巨源父書



南羽



何休學海

何休木訥多智三墳五典陰陽筭術河
洛讖緯古滂歷代圖籍莫不咸通門徒
有問者則為註記而口不能說作左氏
膏肓公羊廢疾穀梁墨守謂之三闕言
京師謂鄭康成為經神何休為學海

何休學海

猗歟何公學貫天人腹貯五車名高八
垠守口雖訥濡墨以陳用茲里諺茲頌
經神

京口茅溱



游古



土土
季



三才圖會

不可磨



掌珠




掌珠

玄珠歸掌握玩弄以朝夕
暗道不須接象罔亦空索
光餘十乘照價匪連城易
只恐此物神不與世俗親
江妃仍逐佩驪龍未可馴

國朝人作
卷三
書得仙掌一舉盡損今
滄海無遺珍


常一
道立

彝鷄



春祠夏禴祿用雞彝
鳥彝刻而畫之為雞
鳳凰之形著於尊上
受三升盛明水

彝鳥



制度容受一同雞彝
用盛鬱壘鳥即謂畫
鳳凰形於尊上鳴鳥
謂之鳳凰故也

竹林七賢



題竹林七賢圖

山公愛飲世爭傳一飲八斗方兀然阿戎飲興亦翩
翩酣暢黃公酒壚前風流應不減羣賢中散酒態更
堪憐醉如玉山頽其巔此中誰解識真僊步兵清嘯
入雲天胸中礪塊大于拳澆以百斛彌覺堅途窮慟
哭驅車旋叅軍頌酒雖短篇子雲酒箴殊愧焉荷鍾
相隨一任偏仲容圍飲棄梧棹大盆盛酒當賓筵一
吸何妨盡十千向生灌園資酒錢醉來灑翰思如泉

混沌道人張泰貞



落日放船好輕
風生浪遲竹深
留客處荷淨納
涼時公子調冰
水佳人雪藕絲
片雲頭上黑應
是雨催詩



賦得落日放船好

程涓

向晚朱光逝新涼傍水生
欲教張樂飲須作泛舟行
彩鷁使星度紅妝邀月明
鵝夷殊解事愛殺五湖清

賦得輕風生浪遲

汪良楨

一水澄如練微茫信晚風
流連浮靄綠蕩漾落霞紅
洛女浚波穩江妃布穀空
何因上舟楫相與共千鍾

賦得竹深留客處

鮑觀光

翠篠叢幽渚脩然覺夏寒
千雲高百尺臨水密千竿
蔣詡頻年種王猷竟日看
此君殊戀客画舸倚前灘

賦得荷淨納涼時

潘萬嗣

幽人期結夏浦淑出新荷碧葉羞郵綠紅英咲綺羅
游魚潛影密舞蝶逐香多采采誰家女因風蕩棹歌

賦得公子調冰水

程大約

何物偏宜夏長安玉井冰但教深暑散豈怕薄寒凝
白璧群加愛青蠅獨見憎虛疑襍穢客河朔興難乘

賦得佳人雪藕絲

畢力德

美人能愛藕雪以當嘉蔬玉腕色相似冰肌香自如
含情偏默默作態故徐徐惆悵中心事絲牽欲斷餘

賦得片雲頭上黑

黃公敏

倏爾清川上油然起片雲千峯齊黯黯四野轉氤氲
鷺立仍相竝鷗飛尚一羣座中添逸興况值酒微醺
賦得應是雨催詩

吳文璧

為問舟中客誰稱鄴下才祇緣詩未就故遣雨相催
思逐千峰起豪從三峽迴倘千金谷令何怕玉山頹

里人洪自寬書

墨池



墨池

墨池千載留其名
水皆盡黑
今者清昔人
臨池累歲月
今人手
中荆棘生
學書不勤書
不成獨使山陰草
聖鳴

孫如游



墨池

右軍臨池美柔翰滌硯頻教墨花散日居月
諸寧覺深池水盡黑人爭歎蘭亭自昔擅風
流唐主不惜千金求即今
玄聖重翰墨蹇余何負松滋侯

程大約幼博父



浮金
輕玉



金中川



飲中八仙詞

世傳八仙不可見海島迷茫鍾呂面浪游五
岳亦浮雲縱得千齡一飛電何如飲中八仙
人其骨已朽名逾新杜陵作歌譜姓氏宛然
像顏見天真舟車意懸各殊狀箕倨簡傲時
相親睥睨乾坤小宇宙夷猶日月無冬春咲
呼荷鍾小豎子多言枕麈非放民何得鯨吞
涸河海直須牛飲移星辰擾々世途勞鞅掌

津、麴蘖堪藏身。竭來兒取守吾黑才華酒
德并為珍。要知生事持螯蟹何須高閣畫麒
麟。右揮綵毫左揮筆呼尔八仙若有神須更
庶刼俱混沌淋漓醉墨凌風塵

程大約
劉然書



瑞葵並葶



瑞葵

維茲珍草懷芬吐榮靈物間氣
向陽而傾挺河渭之膏壤吸昂
井之玄精覩聯跗而齊穎類承
露之雙莖
幼博



玉堂桂石

玉堂柱石篇

太史氏自言尊紫微清切近帝閣駕木作天玉作堂
魏又柱石欒天長欒天長運歲功四時亭毒亭以豐
芝房蘭臺俱臣鄰右文秉武歸陶鈞願言萬歲祝
聖人祝

聖人寧萬國禮樂明備中外鴈翼帶礪有誓銘山河
府以文章林翰墨

程大約

劉然書





文彩雙鴛鴦

官槐兔目竹粉香長堤暖霽簇暗黃公
子看花馳馬埒王孫挾彈闌鷄塲關鷄
馳馬歡何極細綠團紅織春色何處鴛
鴦憩翻樓芳汀錦水恥雙翼雙翼雙飛
在綠葦迴翔不肯雜鷗鳬朱翹巧靚珊
瑚嘴彩轂輕籠翡翠襦細蒨紺房午風

蠕綺舡盡楫時為伴
唼荇偏拖縹帶長
翻蒲忽見青萍短
蒲池荇澗水流逐浪
沿流向亂芄避日影
隨荷蓋綠回風毛
襲蓼旗紅鮮、皎、翩
翩頓令燠質千金
媿浪詫青田百六
幸虞傳玄扈三文字
曉遊暮宿摠為群
薄灌沁洄不暫分
兩暗磯邊縹緲錦
月明沙上罩卿雲
沙上

磯邊歡不足、初、交頸華池曲滌器壚
頭映二珠、面眉檻、店偎、裏五夢逐蓮塘
唱竹枝、霜、閨妒、殺嫁時、繡相思、樹下何
曾睡、夜合、花開、每共、窺却、驚尺、藕中、流
瀉秀色、由來、亦堪、借刺、綵翻、隨錦、上樓
合歡、鑄作、臺前、尾、誰遣、久、會、入、紫、烟、不
應、晦跡、向、重、玄、美、池、頻、共、文、屏、傍、恨、迅

還樓壁水邊更看點黛歸藤角
頽皇鳥勢看昨邈有時摘藻上
樺花軒翥猶疑頽川鸞

滎陽鄭琰撰



紫而紫玄而玄較畫
一布大千默然者黑
蒼蒼者天



大紫重玄



百老圖





百老圖引

伊誰繪此百老圖墨痕墨素真糝糊昆
吾刀灑施剗劖秋毫目力辯精麤冠裳
楚楚見朝代矍鑠彬彬美丈夫招邀會
有鶴書到來往毋須鳩杖扶行歌互答
生氣色彈碁擊節劇歡娛咲指滄桑今
幾變追呼期羨合吾徒我聞羲皇太古

際人各一萬八千歲流傳典載縱荒唐
元會始終當運世何如耄耄百老人年
齡未足一人身錢鏐亦號小廝豎曼倩
由來信弄臣汙隆世事直如此畫史磅
礴良有以披圖轉憶先民言子不磨墨
墨磨子

海陽程涓



百老墨賦

夫靈奧元胎真宗妙炁懷玄宅一養祖
含三故道超闔闢之先身出劫塵之表
齊二儀以永固看碧海之頻枯越八極
以同遊見白榆之幾瘁是以天垂法象
六星炳朗於南地擁靈源一水澄泠於
北卉載祖洲之草木傳上古之椿令威

之華表歸來神使之蓮芳上集搖光化
鹿尚皎二以參僂紫婦為狐亦綏二而
變質彼黼蠕之異類既葆素以長年此
清淨之精光必修真以永世處和守默
容成示黃帝於崆峒抱靜安恬羨門指
紫陽於蒙頂煉神太乙賣藥瑯琊識紫
氣於函關吐白光於泰岱黃石老而復

少赤松久尚爲工駕鹿華陽霧市蓮池
之異執書衡岳靈臺仙宇之奇錢鏐導
引升虛偃佺服松易聃武陵蒼塢避秦
網之羣龐地肺玉堂定漢儲之四皓聚
徒二室解綬五湖絳縣遺黎已歷六千
餘甲子長安逸士適見五百載銅人招
黃鵠以歸來籌添海屋抱白雲而長往

丹熟函鐙圮叟墮履橋頭涪翁相羊水
許棋敲日月柯爛林中鶴唳風雲笙鳴
嶺上茅君羽化桂父霞升樵熟偷三屈
鷄鵬於漢署狗騎化二呼保媼於華巔
此皆托體神玄列名真誥或服食度筋
骨或歛歛游天山或易玄髓以超凡或
長綠毛而拔宅或石叱王生之鞍或竹

蛻葛公之龍或烹大藥爐中或煉刀圭
鼎內淬蹄渤澥以七日爲千季螻蟻岷
嶺隔兩塵於一刹若斯輕舉莫可窮陳
迺採艸立醫畫文釋彖渭濱釣帝濟水
傳經賜鳩杖以夷猶迂蒲輪而寵遇香
山逸會玉顏對酒添紅洛社耆英鶴髮
看花競白聽杜宇而占王氣看寒驢而

定淮西此俱殊人各臻上壽耄耆稱道
豪爽長存鬚髯重玄精神更王風馳於
罔官之埜雲集於沉墨之鄉何班輸之
神工繪百靈不盈一掬豈仙山之詭秘
計寸璧奚啻三京坐卧歛彈俱盡其形
識緇塵之不染飛游談立各逞其技仰
瓊玖之生輝伊希猶聽簫聲彷彿佇看

鳳度巧能縮地術解潜形三島十洲不
滿咫尺歡並壺中十羣五聚共招尋樂同
橘底知其白守其黑混沌靈根大能載
小能容煙霞特品約也懷讒逐楚遘蠹
羈秦縲紲非辜敢向孔門坦腹土灰有
望希從馬室攜文齊震非賒空見丈三
之日焚霜未擊誰云尺五之天鶴堪痛

於華亭犬已悲於上蔡歲舟未固隣遂
徒哀歷隙之駒難追赴壑之蛇漸沒披
畝竦念非青肝蒼腎之祥對像凝神生
翠水玄丘之想龐眉在目聊一賦寤寐
神山壽域非遙足八言悠揚化海

詩曰

鶴髯翩二總相羨玉京此日開華

宴霓裳共聚蓬萊山瑞靄長凝蕊
珠殿松古烟橫萬古秋丹砂未就
咲浮丘臨圓不盡游仙賞惆悵雲
中十二樓

古歙程大約

百老圖贊


休矣元瑞連々累十紫光幕河孕精吐噏運
鍾寶符乘道出入潛化玄功載見常色

陳繼儒

玉虎符
玉虎徠兮從
日南徑萬里
兮飽風嵐信
美合兮視耽
耽凜明威兮
德澤覃
程涓



雲臺



雲臺


臨高臺凌層雲漢家赫、諸將軍
承爾家開爾國底定山河同社
稷親帟賁壯三千伊誰䟽附相後
先佐龍飛位九五太史冊功載憲
府永王明准五百大者公侯次者

伯占列宿應四七中宵見夢賚
良弼沙中華偶語愁何哉仇志
先夷侯夷信族薶薶肉猛士翻
思守四眼責吏事保功臣白馬之
盟墨尚新山若礪河如帶國以
永存及苗裔





程卿松滋侯
 於赫大夫徂徠之巔亦越
 程卿栽培有年俊明亮采
 功滿凌煙建侯錫壤樹滋
 者全雖友杰松不如黑鉛
 文字和墨永普八埏
 程涓



支機石

萬曆間吳蜀山陝之區數苦織造時々聞

天子下明詔寬之君平之肆得卜石焉余因式而象墨
以屬良史且為之歌脩樂府焉

層宵綽約藉仙姬綵雲紫霧拖五絲雷轟風籟鳴天
機薄海萬家思被衣經緯反覆胡然支曾聞女媧高
補天玄石煉就潤且堅乞取支機萬斯年

織女勞々事苦辜織成浣濯河之濱河濱牽牛者何
人解通文字力耕耘擬贈石墨割家珍千秋萬國播
無琅燦爛星辰動七襄杰文白楮鬱蒼々機頭花樣
皆文章

程涓巨源父

桐鄉戲封圖

疇則封桐之鄉

疇則命宜侯王

天子無戲言朝家

有服章人之好

我示周行萬禩

千秋翰墨鄉

巨源

